

TENTERA UDARA DIRAJA MALAYSIA MENGHANTAR MISI BANTUAN KEMANUSIAAN KE SULAWESI, INDONESIA

airforce.mil.my/berita/acara-rasmi/3958-tentera-udara-diraja-malaysia-menghantar-misi-bantuan-kemanusiaan-ke-sulawesi-indonesia

SUBANG, 3 Okt 18 - Gempa bumi disusuli tsunami yang melanda pulau Sulawesi, Indonesia beberapa hari yang lalu telah menyebabkan beberapa kerosakan, kemusnahan serta maut ke atas segelintir penduduk tempatan di sekitarnya yang telah menjadi mangsa korban bencana ini.

Tentera Udara Diraja Malaysia (TUDM) turut prihatin dengan keadaan yang telah menimpa Negara jiran tersebut dan melaksanakan misi bantuan kemanusiaan dengan menggunakan sebuah pesawat pengangkut TUDM jenis A400M bagi membawa keperluan peralatan seperti mesin atau jentera untuk kegunaan semasa di lokasi bencana tersebut.

Menurut Komander Pangkalan Udara Subang, Brig Jen Dato' Hj Muhammad Mudzamir Ong bin Abdullah TUDM, Kerajaan Indonesia sememangnya menantikan bantuan dari pihak TUDM yang memiliki pesawat pengangkut A400M yang berkeupayaan untuk membawa muatan bersaiz lebih besar serta lebih berat berbanding kemampuan pesawat C130H.

Di sana nanti, Pesawat A400M akan membawa barang-barang keperluan dari Jakarta ke Palu secara ulang alik sekurang-kurangnya 2 kali sehari.

Lt Kol Baharin bin Mohamad TUDM, Pegawai Memerintah No 22 Skn telah dipertanggungjawabkan sebagai ketua misi. Beliau bersama 22 orang krew yang lain dijadualkan berlepas ke Jakarta pada esok pagi. TUDM sentiasa dan akan terus komited untuk menghulurkan bantuan serta memberi kerjasama yang padu terutama di kalangan Negara serantau yang mengalami keadaan darurat seumpama ini.



